

Landesbibliothek Oldenburg

Digitalisierung von Drucken

**Samuelis De Cocceji, Henr. Fil. Sacræ Regiæ Majestatis
Borussicæ Magni Cancellarii, A Consiliis Sanctioribus
Status Et Rei Bellicæ, Ordinis Nigræ Aquilæ Equitis Etc.
Jus Civile Controversum Ubi ...**

Opus Ad Illustrationem Compendii Lauterbachiani ...

Cocceji, Samuel von

Lipsiæ, 1766

LIB. XLVII. TIT. XIX. Expilatæ Hæreditatis &c.

urn:nbn:de:gbv:45:1-9050

Qv. III. *An, si delictum sit atrocissimum, sola scientia delicti puniri possit?*

Laut. pag. 676. verb. nisi delicta &c. **R**egulariter hoc negandum; quia nihil mali agit tacens, neque causa criminis in silentio subest: idque ita traditur in *Can. Placuit. C. 6. qu. 2.*

Exc. Quoties quædam crimina in specie excepta videntur, ut (1) in causa majestatis, *L. 5. C. Ad L. Jul. Maj.* (2) In parricidio, *L. 6. L. 2. ff. de Parric.* (3) In raptu. *L. un. §. 2. C. de Rapt. virg.*

LIB. XLVII. TIT. XIX.

EXPILATÆ HÆREDITATIS &c.

Qv. I. *An propter expilatam hæreditatem hodie furti agi possit?*

Laut. pag. 677. verb. non etiam &c. **N**EGATUR; quia propria actio *expilatæ hæreditatis* hic datur. Et cum crimen sit extraordinarium, pœna quoque extraordinaria statui debet, *l. 1. h. t.* Sane pœna furti est odiosa ac exorbitans, adeoque extendi non debet, *L. p. de Pœn.*

Obj. *L. 12. C. Ex quib. caus. inf.* ubi expilatio hæreditatis dicitur furtum improbius.

Resp. Furto comparatur quoad infamiam; ex utraque enim causa condemnatus fit infamis, *d. L. 12.* Sed & licet instar furti sit, non tamen eadem pœna obtinere debet.

Qv. II. *An aliae actiones rei persecutoriae concurrant cum actione hac extraordinaria?*

Laut. pag. 678. verb. hic concurrit &c. **A**FFIRMATUR, & quidem cumulative; quia, etsi pœnam quis consecutus sit actione hac extraordinaria, nondum tamen rem habet, adeoque hanc adhuc petere potest, *L. un. C. Quand. civ. act. L. 7. de Cond. furt.* ubi exempla recensentur.

Obst. *L. 8. ff. h.* ubi non nisi elective concurrunt petitio hæreditatis, & crimen expilatæ hæreditatis.

Resp. Ipsæ actiones non concurrunt elective, sed duo judicia, & eligit actor, an apud Præfectum Urbi criminaliter, an apud Præsides civiliter agere velit: apud unum ergo horum Judicium utramque actionem simul intentare non potest, at singulas apud utrumque potest.

OBJ.



OBJ. *L. f. h.* ubi hoc crimen dicitur intentari in subsidium, si deficit actio, ergo non potest cum ea concurrere.

RESP. Intentari potest, si deficit actio, scil. publica & ordinaria, nam ideo est crimen extraordinarium, quia ordinaria actio inde non datur; duæ enim criminales nunquam concurrunt.

LIB. XLVII. TIT. XX.

STELLIONATUS.

Qv. I. *An stellionatum committat, qui eandem rem duobus diversis contractibus vendit?*

NEGATUR, sed erit falsum, *L. 21. Ad L. Corr. de fals.* utpote cum *Laut. pag.* in alterius præjudicium veritas improbe mutetur. *Vid. Laut. infr. 678. verb. tit. Ad L. Cornel. de fals.* Stellionatus autem locum non habet, nisi *non etiam* deficiente titulo ordinario criminis, *l. 3. §. 1. in f. h.* *Et c.*

OBST. *L. 3. §. 1. h.* ubi expresse dicitur, quod si quis rem alii obligatam dissimulata obligatione alii distraxerit &c. ex stellionatu teneatur. *Conf. l. 16. §. 1. l. 36. §. 1. de Pign. act.*

RESP. Agitur hic de casu, ubi non duobus vendidit, sed ubi uni obligavit rem, eamque postea alii vendidit, hoc casu falsum non committitur; quia veritas hic non mutatur, utpote cum res vere in emptorem jure dominii, licet cum onere, transferatur: nec præjudicium tertii hic vertitur, quia creditor jus suum per actionem hypothecariam, emtor vero regressum per actionem venditi salvum habet: cum ergo speciale nomen criminis hic deficiat, stellionatum committere videtur.

Qv. II. *An ille, qui rem alienam tanquam suam oppignorat creditori, stellionatum committat, licet non juraverit?*

AFFIRMATUR, *L. 16. §. 1. de Pign. act.* ibi: *Si rem alienam dedit Et c. Laut. pag.* stellionatus crimine tenetur. *L. 36. §. 1. eod. ibi: Si quis rem alienam* *678. verb.* *mihî pignori dedit Et c. eodem crimine plecietur.* Sed & cum alius titulus *licet juramentum* criminis hic deficiat, & tamen insignis versutia atque malitia committatur, stellionatus superest, *l. 3. §. 1. h.* *Et c.*

OBJ. *L. f. h.* ubi hæc ita vera esse dicuntur, si sua pignora esse juravit.

RESP. Tunc duo sunt crimina: (1) perjurii, (2) doli: utrumque est

